

In duie rime sgalabate
Prestu cumposte è accunciate
Eccu sta piccula sturietta
Chì sempre oghje mi turmenta

Sò pastore di mistieru
È da sempre ne sò fieru
E mo capre à la pascura
Chjamà le possu una à una

Un bellu ghjornu d'Aprile, Fù ind'è lu miò casgile
Chì la vidì a prima volta, Affaccassi à la miò porta

Di li so ochji lu turchinu
Mi lasciò cum'un cininu
Ch'ind'a matina natalesca
Abbacciacatu infiara l'esca

"Da muntagne incurunatu
Eiu libaru sò natu
Ma per tè bella signora
Possu ligà mi nanta l'ora"

'Ssa dumanda era scimizia, Sperava solu a s'amicizia
Ma fù cusì chì la deessa, Diventò quì la miò prumessa

È pè lu chjassu di l'amore, Vidia nasce un nov'albore
Quandu mi discitendu à manu roza
Bàbbu fece smarì la sposa